

四庫全書

集部

欽定四庫全書

御定全唐詩卷三百三十五

裴度

裴度字中立河東聞喜人貞元中擢第授河陰縣尉遷
監察御史出為河南府功曹遷起居舍人憲宗元和六
年以司封員外郎知制誥尋轉本司郎中使魏州還拜
中書舍人改御史中丞尋兼刑部侍郎十六年拜門下
侍郎同中書門下平章事于時討蔡度請身自督戰

詔以度充淮西宣慰招討處置使蔡平封晉國公復知政事為皇甫鏞所構出為太原尹北都留守河東節度使穆宗長慶元年河朔復亂詔度以本官充鎮州四面行營招討使元稹拜平章事罷度兵權充東都留守尋以守司徒同平章事復知政事李逢吉沮之出為山南西道節度使敬宗寶歷元年度入覲京師帝禮遇隆厚數日宣制復知政事文宗立加門下侍郎集賢殿大學士進階特進以病懇辭機務詔加守司徒兼侍中充山

南東道節度等使太和八年以本官判東都尚書省事
充東都留守進位中書令尋復兼太原尹北都留守河
東節度使度固辭不允至鎮病甚乞還東都養病詔許
還京卒贈太傅度狀貌不踰中人而風彩俊爽占對雄
辯出入中外經事四朝以身繫國之安危者二十年集
二卷今編詩一卷

享惠昭太子廟樂章

亞獻
終獻

重輪始發祥齒胄方興學冥然升紫府鏗爾薦清樂奠

聿致馨香在庭紛羽籥禮成神既醉髣髴緱山鶴

夏日對雨

登樓逃盛夏

一作暑

萬象正埃塵對面雷噴樹當街雨趁

人簷疎蛛網重地溼燕泥新吟罷清風起荷香滿四鄰

白二十二侍郎有雙鶴留在洛下予西園多野

水長松可以棲息遂以詩請之

聞君有雙鶴羈旅洛城東未放歸仙去

一作路

何如乞老

翁且將臨野水莫閉在樊籠好是長鳴處西園白露

一作

松
徑
中

竇七中丞見示初至夏口獻元戎詩輒戲和之

出佐青油幕來吟白雪篇須為九臯鶴莫上五湖船竇詩

自稱鶴兼云
治船裝故也故態君應在新詩我亦便聞鄂州初教
成謳者甚工元

侯看再入好被暫流連

酬張秘書因寄馬贈詩

滿城馳逐皆求馬古寺間行獨與君代步本慙非逸足

緣情何幸枉高文若逢佳麗從一作須將換莫共駕駘角

出羣飛鞚著鞭能顧我當時王粲亦從軍

真慧寺

五祖道場

遍尋真蹟躡莓苔世事全拋不忍回上界不知何處去
西天移向此間來巖前芍藥師親種嶺上青松佛手栽
更有一般人不見白蓮花向半天開

中書即事

有意效承平無功答

一作益

聖明灰心緣忍事霜鬢為論

兵道直身還在恩深命轉輕鹽梅非擬議葵藿是平生

白日長懸照蒼蠅漫發聲高陽舊田里一作地終使謝歸

耕

中和節詔賜公卿尺

貞元八年宏詞

陽和行慶賜尺度及羣公一作工荷寵承佳節傾心立大

中短長思合製遠近貴攸同共仰財成德將酬分寸功
作程施有政垂範播無窮願續南山壽千春奉聖躬

至日登樂遊園

陰律隨寒改陽和應節生祥雲觀魏闕瑞氣映秦城驗

炭論時政書雲受歲盈晷移長日至霧斂遠霄清景暖

仙梅動風柔御柳傾那堪封得意空對物華情一作清

奉酬中書相公至日園丘攝事合於中書後閣

宿齋移止於集賢院敘懷見寄之作

翼亮登三命

趙公三拜中書侍郎平章事

謨猷本一心致齋移秘府

祇事見冲襟皓月當延閣祥風自禁林相庭方積玉王
度已如金運偶唐虞盛情同丙魏深幽蘭與白雪何處

寄庸音

太原題廳壁

危事經非一浮榮得是空白頭官舍裏今日又春風

溪居

門徑俯清溪茅簷古木齊紅塵飄一作飛不到時有水禽

啼

喜遇劉二十八

以下三首本聯句中
語洪邁取為絕句

病來佳興少老去舊遊稀笑語縱橫作盃觴絡繹飛

送劉

金少已不人三言
卷三百三十五
不歸丹掖去銅竹漫云云惟喜因過我須知未賀君

再送

頃來多謔浪此夕任喧紛故態猶應在行期未要聞

涼風亭睡覺

飽食緩行新睡覺一甌新茗侍兒煎脫巾斜倚繩牀坐
風送水聲來耳邊

雪中訝諸公不相訪

憶昨雨多泥又深猶能攜妓遠過尋滿空亂雪花相似

何事居然無賞心

傍水間行

閒餘何處覺身輕
暫脫朝衣傍水行
鷗鳥亦知人意靜
故來相近不相驚

句

兩人同日事征西
今日君先奉紫泥
度與柳公綽同為西蜀武元衡判官

綽先入為吏部郎中
度有詩云云

待平賊壘報天子
莫指仙山示武

夫

征淮西過女
几山下題

野人不識中書令
喚作陶家與謝家

題南
莊

君若有心求逸足
我還留意在名姝

答白居易
易求馬



御定全唐詩卷三百三十五

欽定四庫全書

集部

御定全唐詩卷三百三十六

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣徐步雲

謄錄監生臣郭洽怡

欽定四庫全書

御定全唐詩卷三百三十六

韓愈

韓愈字退之南陽人少孤刻苦為學盡通六經百家貞元八年擢進士第才高又好直言累被黜貶初為監察御史上疏極論時事貶陽山令元和中再為博士改比部郎中史館修撰轉考功知制誥進中書舍人又改庶子裴度討淮西請為行軍司馬以功遷刑部侍郎諫迎

佛骨謫刺史潮州移袁州穆宗即位召拜國子祭酒兵部侍郎使王廷湊歸轉吏部為時宰所構罷為兵部侍郎尋復吏部卒贈禮部尚書諡曰文愈自比孟軻關佛老異端篤舊卹孤好誘進後學以之成名者甚衆文自魏晉來拘偶對體日衰至愈一返之古而為詩豪放不避麤險格之變亦自愈始焉集四十卷內詩十卷外集遺文十卷內詩十八篇今合編為十卷

元和聖德詩

并序 初憲宗即位劍南劉闢自稱留後以叛元和元年正月以高

崇文為左神策行營節度使討闢九月克成都
十月闢伏誅二年正月己丑朝獻於大清宮庚

寅朝享於太廟辛卯祀昊天
上帝於郊丘還宮大赦天下

臣愈頓首再拜言臣伏見皇帝陛下即位已來誅
流姦臣朝廷清明無有欺蔽外斬楊惠琳劉闢以
收夏蜀東定青齊積年之叛海內怖駭不敢違越
郊天告廟神靈歡喜風雨晦明無不從順太平之
期適當今日臣蒙被恩澤日與羣臣序立紫宸殿
陛下親望穆穆之光而其職業又在以經籍教道

國子誠宜率先作歌詩以稱道盛德不可以辭語
淺薄不足以自效為解輒依古作四言元和聖德
詩一篇凡千有二十四字指事實錄具載明天子
文武神聖以警動百姓耳目傳示無極其詩曰

皇帝即昨物無違拒曰暘而暘曰雨而雨維是元年有

盜在夏欲覆其州以踵近

一作其

武

先年德宗建中開李希烈朱泚等反至是

皇帝曰嘻豈不

楊惠琳劉闢繼踵而起此叙惠琳據夏州出師征討有功以為平劉闢發端

在我負鄙為艱縱則不可出師征之其衆十一一作十一旅時嚴

綬在河東未請討惠琳
詔與天德軍合擊之

軍其城下告以福禍腹敗枝披

不敢保聚擲首陴外降旛夜豎疆外之險莫過蜀土韋

臯去鎮劉闢守後血人於牙不肯吐口開庫啗

宋刻作啖

士

曰隨所取汝張汝弓汝鼓汝鼓汝為表書求我帥汝事

始上聞在列咸怒皇帝曰然嗟遠士女苟附而安則且

付與讀命於庭出節少府朝發京師夕至其部闢喜謂

黨汝振而伍蜀可全有此不當受萬牛鬻炙

一作內

萬甕

行酒以錦纏股以紅帕首有恇其兇有餌其誘其出穰

穰隊以萬數遂劫東川遂據城阻皇帝曰嗟其又可許
爰命崇文分卒禁禦有安其驅無暴我野日行三十徐
壁其右關黨聚謀鹿頭是守崇文奉詔進退規矩戰不
貪殺擒不濫數四方節度整兵頓馬上章請討俟命起

坐皇帝曰嘻無汝煩苦荆并洎梁

荆謂荆南節度使裴均并謂河東節度使

嚴綬梁謂山南西道節度使嚴礪

在國門戶出師三千各選爾醜四軍

齊作殷其如阜或拔其角或脫其距長驅洋洋無有齟
齬八月壬午闢棄城走載妻與妾包裹椎乳是日崇文

入處其宇分散逐捕搜原別藪闢窮見窘無地自處俯
視大江不見洲渚遂自顛倒若杵投白取之江中枷脰
械手婦女纍纍啼哭拜叩來獻闕下以告廟社周示城
市咸使觀覩解脫攀索夾以砧斧婉婉弱子赤立偃僂
牽頭曳足先斷腰脊次及其徒體骸撐拄末乃取闕駭
汗如寫揮刀紛紜爭剗音付細切也膾脯擾賞將吏扶珪綴
組帛堆其家粟塞其庾哀憐陣沒廩給孤寡贈官封墓
周市宏溥經戰伐地寬免租薄施令酬功急疾如火天

地中間莫不順序幽恒青魏東盡海浦南至徐蔡區外
雜虜怛威赧德踧蹈舞掉棄兵革私習簋簠來請來

覲十百其耦

一作數

皇帝曰吁伯父叔舅各安爾位訓厥

毗晦正月元日初見宗祖躬執百禮登降拜俯薦於新

宮視瞻梁柶

音呂
楹也

感見容色淚落入俎侍祠之臣助我

惻楚乃以上辛於郊用牡除於國南鱗荀毛簋廬幕周
施開揭磊砢獸盾騰挈圓壇帖妥天兵四羅旂常婀娜
駕龍十二魚魚雅雅宵弁於丘奠璧獻竿衆樂驚作轟

逐融冶紫焰噓呵高靈下墮羣星從坐錯落侈哆

丁可切又

昌者切

日君月妃煥赫嫫媼

嫫烏果切媼五果切身弱好也謂月妃

瀆鬼濛

鴻嶽祗業峩飮沃羶薌產祥降嘏鳳皇應奏舒翼自拊

赤鱗黃龍逶陀結糾卿士庶人黃童白叟踊躍歡呀失

喜噓歐乾清坤夷境落褰舉帝車回來日正當午幸

丹鳳門大赦天下滌濯剗礪

初兩切又此兩切瓦石洗物

磨滅瑕垢

續功臣嗣拔賢任耆孩養無告仁滂施厚皇帝神聖通

達今古聽聰視明一似堯禹生知法式動得理所天錫

皇帝為天下主并包畜養無異細鉅億載萬年敢有違者皇帝儉勤盥濯陶瓦斤遣浮華好此綈紵勅戒四方侈則有咎天錫皇帝多麥與黍無召水旱耗於一作無耗雀

鼠億載萬年有富無窶皇帝正直別白善否擅命而狂既翦既去盡逐羣姦靡有遺侶天錫皇帝庖臣碩輔博問遐觀以置左右億載萬年無敢余侮皇帝大孝慈祥悌友怡怡愉愉奉太皇后決於族親濡及九有天錫皇帝與天齊壽登茲太平無怠永久億載萬年為父為母

博士臣愈職是訓詁作為歌詩以配吉甫

琴操十首

將歸操

孔子之趙聞殺鳴犢作

趙殺鳴犢孔子臨河歎而作歌曰秋之水兮風揚波

舟楫顛倒更相加歸來歸來胡為期

秋之水兮其色幽幽我將濟兮不得其由涉其淺兮石
齧我足乘其深兮龍入我舟我濟而悔兮將安歸尤歸
兮歸兮無與石鬪兮無應龍求

猗蘭操

孔子傷不逢時作

古琴操云習習谷風以陰以雨之子于歸遠送于野何彼蒼天

不得其所道遠九州無有定處世人聞蔽不知賢者年紀逝邁一身將老

蘭之猗猗揚揚其香不採而佩於蘭何傷今天之旋其
曷為然我行四方以日以年雪霜貿貿音茂薺麥之茂子
如不傷我不爾覲薺麥之茂薺麥之有君子之傷君子
之守

龜山操

孔子以季桓子受齊女樂諫不從望龜山而作山

在太山博縣古琴操云予欲望魯
今龜山蔽之手無斧柯奈龜山何

龜之氛

一作氣

兮不能雲

一作為

雨龜之枿

牙葛切亦作藥

兮不中

梁柱龜之大兮祇以奄魯知將隳兮哀莫余伍周兮有

鬼

一作思

兮嗟余歸輔

越裳操

周公作

古琴操云於戲嗟嗟非
旦之力乃文王之德

雨之施物以孳我何意於彼為自周之先其艱其勤以

有疆宇私我後人我祖在上四方在下厥臨孔威敢戲
以侮孰荒於門孰治於田四海既均越裳是臣

拘幽操

文王姜里作

古琴操云殷道溷溷沒濁頌兮朱紫相合不別兮兮迷亂聲色信讒言兮

炎炎之虐使我愆兮幽閉牢窞由其言兮適我四人憂勤勤兮

目窈窈

一作揄揄

兮其凝其盲耳肅肅兮聽不聞聲朝不有

見字

日出兮夜不見月與星有知無知兮為死為生嗚呼

臣罪當誅兮天王聖明

岐山操

周公為太王作

本詞云狄戎侵兮土地遷移那邑適於岐山蒸民不憂兮誰者知嗟

嗟奈何兮
子命遺斯

我家於豳自我先公伊我承序敢有不同今狄之人將
土我疆民為我戰誰使死傷彼岐有岨我往獨處爾一作
人莫余追無思我悲

履霜操

尹吉甫子伯奇無罪為後母譖而見逐自傷作本
詞

云朝履霜兮採晨寒考不明其心兮信謹言秋思
別離兮催肺肝何辜皇天兮遭斯愆痛歿不同兮

思有偏誰能洗

顧兮知我寃

父兮兒寒母兮兒飢兒罪當答逐兒何為兒在中野以
宿以處四無人聲誰與兒語兒寒何衣兒飢何食兒行
於野履霜以足母生衆兒有母憐之獨無母憐兒寧不
悲

雉朝飛操

牧犢

一作沐濟

子七十無妻見雉雙飛感之而作

本詞云雉

朝飛兮鳴相和雌雄羣遊兮山之阿我獨何命
兮未有家時將暮兮可奈何嗟嗟暮兮可奈何

雉之飛於朝日羣雌孤雄意氣橫出當東而西當啄而
飛隨飛隨啄羣雌粥粥嗟我雖人曾不如彼雉雞生身

七十年無一妾與妃

一本無雞字下語
妃音媿與雞叶

別鵠操

商陵穆子娶妻五年無子父母欲其改娶其妻聞

之中夜悲嘯穆子感之而作

本詞云將非比翼隔
天端山川悠遠路漫

漫攬衾不
寐食忘餐

雄鵠

樂府詩集作雄鵠以下鵠俱作鵠

銜枝來雌鵠啄呢歸巢成不生子

大義當乖離江漢水之大鵠身鳥之微更無相逢日且

可繞樹相隨飛

樂府作更無相逢日安可相隨飛

殘形操

曾子夢見一狸不見其首作

有獸維狸兮我夢得之其身孔明兮而頭不知吉凶何為兮覺坐而思巫咸上天兮識者其誰

南山詩

吾聞京城南茲惟羣山圍東西兩際海巨細難悉究山
經及地志茫昧非受授團辭試提挈挂一念萬漏欲休
諒不能粗叙所經觀嘗昇崇丘望戢戢見相湊清明出
稜角縷脈碎分繡蒸嵐相頹胡孔切洞表裏忽通透無風

自飄簸融液煦柔茂橫雲時平凝點點露數岫天空浮

修眉濃綠畫新就孤撐有巉絕海浴褰鵬喙

音畫以上叙南山大

樂春陽潛沮洳濯濯吐深秀巖巒雖律峯輒弱類含酎

音夏炎百木盛蔭鬱增埋覆神靈日歇音歇音雲氣爭結

構秋霜喜刻轢磔卓立癯瘦參差相疊重剛耿陵

一作凌

宇宙冬行雖幽墨冰雪工琢鏤新曦照危峨億丈恒高

表明昏無停態頃刻異狀候

已上叙四時變態

西南雄太白突

起莫間遙藩都配德運分宅占丁戊

戊音茂

逍遙越坤位詆

訐陷乾竇空虛寒兢兢風氣較搜漱朱維方燒日陰霰

縱騰糝昆明大池北去覲偶晴晝繇聯窮俯視倒側困

清漚微瀾動水面踴躍躁糝狄驚呼惜破碎仰喜呀不

仆

已上言南山方隅連亘之所

前尋徑杜墅盆蔽畢原陋崎嶇上軒

昂始得觀覽富行行將遂窮嶺陸煩互走勃然思圻裂
擁掩難恕宥巨靈與夸蛾遠賈期必售還疑造物意固
護蓄精祐力雖能排幹雷電怯呵詬攀緣脫手足蹭蹬
抵積甃茫如試矯首塙塞生恟音寇愁音茂威容喪蕭爽近
新迷遠舊拘官計日月欲進不可又因緣窺其湫南山有炭

谷湫凝湛悶陰罟

音喚或作獸禮運龍以為罟謂湫中蛟也

魚蝦可俯掇神物

安敢寇林柯有脫葉欲墮鳥驚救

其湫葉落恐汚水鳥即斫去蓋其神物之

靈如

此爭銜彎環飛投棄急哺殼旋歸道回睨達枿壯復

奏吁嗟信奇怪峙質能化質前年遭譴謫探歷得邂逅

初從藍田入顧盼勞頸脰時天晦大雪淚目苦矇眊

茂告

峻塗拖長冰直上若懸溜寒衣步推馬顛蹶退且復蒼

黃忘遐晷所矚纔左右杉篁咤蒲蘇杲耀攢介冑專心

憶平道脫險逾避臭昨來逢清霽宿願忻始副崢嶸躋

冢頂倏閃雜鼉鼉前低劃開濶爛漫堆衆皴

言豁然見前山之低

雖有高陵深谷但如皴物微有感折之文耳

或連若相從或蹙若相鬪或妥

若弭伏或竦若驚雉或散若瓦解或赴若輻湊或翩若

船遊或決若馬驟或背若相惡或向若相佑或亂若抽

筍或嶮若注

一作炷

灸或錯若繪畫或繚若篆籀或羅若

星離或翁若雲逗或浮若波濤或碎若鋤耨或如賁育

倫

秦勇士

賭勝勇前購先強勢已出後鈍嗔誼

音譟

音耨不能

也言或如帝王尊叢集朝賤幼雖親不熟狎雖遠不悖謬

或如臨食案肴核紛飮餽又如遊九原墳墓包槨柩或

纍若盆甕或揭若甄

同登

豆

一作桓

或覆若曝鼈或頽若寢

獸或蜿若藏龍或翼若搏鷲或齊若友朋或隨若先後

或迸若流落或顧若宿留或戾若仇讐或密若婚媾或儼若峨冠或翻若舞袖或屹若戰陣或圍若蒐狩或靡

然東注或偃然北首或如火熇熇或若氣饋

音溜
分餽
蒸飯

也或行而不輟或遺而不收或斜而不倚或馳而不殼

或赤若禿簡

丘開切

或燠若柴樵或如龜拆兆或若卦分

絲或前橫若剝或後斷若始延離又屬夫夫叛還邁
喁喁魚闖萍落落月經宿間間樹墻垣嶽嶽駕庫殿參
參削劍戟煥煥銜瑩琇敷敷花披萼闌闌屋摧雷悠悠

舒而安兀兀狂以狃超超出猶奔蠢蠢駭不懋大哉立
天地經紀肖營腴厥初孰開張俛俛誰勸侑創茲樸而
巧戮力忍勞疾得非施斧斤無乃假詛咒鴻荒竟無傳
功大莫酬儻嘗聞於祠官芬苾降歆嗅宋刻作鯤斐然作歌
詩惟用贊執酌

謝自然詩

果州謝真人上昇在金泉山貞元十年十一月十二日白晝輕舉郡守李

堅以聞有
詔褒諭

果州南充縣寒女謝自然童駿無所識但聞有神僊輕

生學其術乃在金泉山繁華榮慕絕父母慈愛捐凝心
感魑魅恍惚難具言一朝坐空室雲霧生其間如聆笙

竽韻來自冥冥天白日變幽晦蕭蕭風景寒簷楹一作氣暫

明滅五色光屬聯觀者徒傾駭躑躅詎敢前須臾自輕

舉飄若風中煙茫茫入絃大影響無由緣里胥上其事

郡守驚且歎驅車領官吏眊俗爭相先入門無所見冠

履同蛻蟬皆云神僊事灼灼信可傳余聞古夏后象物

知神姦山林民可入魍魎莫逢旃逶迤不復振後世恣

欺謾幽明紛雜亂人鬼更相殘秦皇雖篤好漢武洪其
源自從二主來此禍竟連連木石生怪變狐狸騁妖患
莫能盡性命安得更長延人生處萬類知識最為賢奈
何不自信反欲從物遷往者不可悔孤魂抱深冤來者
猶可誠余言豈空文人生有常理男女各有倫寒衣及
飢食在紡績耕耘下以保子孫上以奉君親苟異於此
道皆為棄其身噫乎彼寒女永託異物羣感傷遂成詩
昧者宜書紳

秋懷詩十一首

窗前兩好樹，衆葉光蕤蕤。音擬秋風一拂披，策策鳴不已。
微燈照空牀，夜半偏入耳。愁憂無端來，感歎成坐起。
天明視顏色，與故不相似。羲和驅日月，疾急不可恃。
浮生雖多塗，趨死惟一軌。胡為浪自苦，得酒且歡喜。

白露下百草，蕭蘭共雕悴。青青四墻下，已復生滿地。
寒蟬暫寂寞，蟋蟀鳴自恣。運行無窮期，稟受氣苦異。
適時各得所，松栢不必貴。

彼時何卒卒我志何曼曼萬音犀首空好飲廉頗尚能飯

學堂日無事驅馬適所願茫茫出門路欲去聊自勸一作歎

歸還閱書史文字浩千萬陳跡竟誰尋賤嗜非貴獻文

夫意有在一作存女子乃多怨

秋氣日惻惻秋空日凌凌上無枝上蜩下無盤中蠅豈

不感時節耳目去所憎清曉卷書坐南山見高稜其下

澄湫水有蛟寒可曾惜哉不得往豈謂吾無能

離離挂空悲感感抱虛警露泣秋樹高蟲弔寒夜水斂

退就新慵趨營悼前猛歸愚識夷塗汲古得修綆名浮
猶有恥味薄真自幸庶幾遺悔尤即此是幽屏

今晨不成起端坐盡日景蟲鳴室幽幽月吐窗同同喪
懷若迷方浮念劇含梗塵埃慵伺候文字浪馳騁尚須
勉其頑王事有朝請

秋夜不可晨秋日苦易暗我無汲汲志何以有此憾寒
雞空在棲缺月煩屢瞰有琴具徽絃再鼓聽愈淡古聲
久埋滅無由見真濫低心逐時趨苦勉祇能暫有如乘

風船一縱不可攬不如觀文字丹鉛事點勘豈必求羸

餘所要石與甌

都溫切

卷卷落地葉隨風走前軒鳴聲若有意顛倒相追奔空
堂黃昏暮我坐默不言童子自外至吹燈當我前問我
我不應饋我我不餐退坐西壁下讀詩盡數編作者非
今士相去時已千其言有感觸使我復悽酸顧謂汝童
子置書且安眠丈夫屬有念事業無窮年

霜風侵梧桐衆葉著樹乾空塔一片下瑩若摧琅玕謂

是夜氣滅望舒霄其團青冥無依倚飛轍危難安驚起
出戶視倚楹久汎瀾憂愁費晷景日月如跳丸迷復不
計遠為君駐塵鞍

暮暗來客去羣鳥各收聲悠悠偃宵寂壘壘抱秋明世
累忽進慮外憂遂侵誠強懷張不滿弱念缺已盈詰屈
避語寔冥茫觸心兵敗虞千金棄得比寸草榮知恥足
為勇晏然誰汝令

鮮鮮霜中菊既晚何用好揚揚弄芳蝶爾生還不早運

窮兩值遇婉孌死相保西風蟄龍蛇衆木日凋槁由來
命分爾泯滅豈足道

赴江陵途中寄贈王二十補闕李十一拾遺李

二十六員外翰林三學士

德宗貞元二十年移
江陵法曹參軍未幾

以四門博士召三學
士王涯李建李程也

孤臣昔放逐血泣追愆尤汗漫不省識况如乘桴浮或
自疑上疏上疏豈其由是年京師旱田畝少所收上憐
民無食征賦半已休有司恤經費未免煩徵求富者既

云急貧者固已流傳聞閭里間赤子棄渠溝持男易斗粟掉臂莫肯酬我時出衢路餓者何其稠親逢道邊死佇立久咿嘍歸舍不能食有如魚中鈎適會除御史誠當得言秋拜疏移閭門為忠寧自謀上陳人疾苦無令絕其喉下陳畿甸內根本理宜優積雪驗豐熟幸寬待蠶麤天子惻然感司空歎綢繆謂言即施設乃反遷炎

州

舊史言公自監察御史上章數千言極論宮市德宗怒貶陽山令新史亦云上疏論宮市今詩自序其得

罪之由大抵言京師早饑未嘗力言宮市惟皇甫湜神道碑云關中旱饑先生力言天下根本專政者惡之出

為陽山令。漢當時從公遊者。知公之不以論宮市出需矣。

同官盡才俊，偏善柳與劉。

成慮語言洩，傳之落寬讐。二子不宜爾，將疑斷還不中。
使臨門，遣頃刻不得留。病妹卧牀褥，分知隔明幽。悲啼
乞就別，百請不領頭。弱妻抱稚子，出拜忘慚羞。僂俛不
回顧，行行詣連州。朝為青雲士，暮作白頭一作首囚。商山
季冬月，冰凍絕行輶。春風洞庭浪，出沒驚孤舟。逾嶺到
所任，低顏奉君侯。酸寒何足道，隨事生瘡疣。遠地觸途
異，吏民似猿猴。生獍多忿很，辭舌紛嘲啁。白日屋簷下

雙鳴鬪鶴鷗有蛇類兩首有蠱羣飛遊窮冬或搖扇盛夏或重裘颺起最可畏訶哮簸陵丘雷霆助光怪氣象難比倂癘疫忽潛遘十家無一瘳猜嫌動置毒對案輒

懷愁前日遇恩赦

貞元二十一年正月乙巳順宗即位二月甲子大赦天下愈量移江陵掾

私心喜還憂果然又羈繫不得歸耜耨此府雄且大騰凌盡戈矛棲棲法曹掾何處事卑陬生平企仁義所學皆孔周早知大理官不列三后儔何況親犴音岸獄敲撈發姦偷懸知失事勢恐自罹置呆湘水清且急涼風日

脩脩胡為首歸路旅泊尚夷猶昨者京使至嗣皇傳冕

旒赫然下明詔首罪誅共叟

古兇字

復聞顛大革

謂杜黃裳鄭餘

慶之徒為相

峨冠進鴻疇班行再肅穆璜珮鳴琅璆佇繼貞

觀烈邊封脫兜鍪三賢推侍從卓犖傾枚鄒高議參造

化清文煥皇猷協

一作叶

心輔齊聖致理同毛輶小雅咏

鹿鳴

一作鳴鹿

食苹貴呦呦遺風邈不嗣豈憶嘗同禡矢志

早衰換前期擬蟬蛸自從齒牙缺始慕舌為柔因疾鼻

又塞漸能等薰猶深思罷官去畢命依松楸空懷焉能

果但見歲已邁殷湯閔禽獸解網祝蛛蝥雷煥掘寶劍
冤氛消斗牛茲道誠可尚誰能借前籌殷勤答吾友明
月非暗投

暮行河堤上

暮行河堤上四顧不見人衰草際黃雲感歎愁我神夜
歸孤舟卧展轉空及晨謀計竟何就嗟嗟世與身

夜歌

靜夜有清光閒堂仍獨息念身幸無恨志氣方自得樂

哉何所憂所憂非我力

重雲李觀疾贈之

天行失其度陰氣來干陽重雲閉白日炎燠成寒涼小
人但咨怨君子惟憂傷飲食為減少身體豈寧康此志
誠足貴懼非職所當藜羹尚如此肉食安可嘗窮冬百
草死幽桂乃芬芳且况天地間大運自有常勸君善飲
食鸞鳳本高翔

江漢答孟郊

江漢雖云廣乘舟渡無艱流沙信難行馬足常往還淒
風結衝波狐裘能禦寒終宵處幽室華燭光爛爛苟能
行忠信可以居夷蠻嗟余與夫子此義每所敦何為復
見贈繾綣在不諼

長安交遊者贈孟郊

長安交遊者貧富各有徒親朋友一作相過一作時亦各
有以娛陋室有文史高門有笙竽何能辨榮悴且欲分

賢愚

岐山下二首

朱熹考異曰諸本只作一首方云
自曰暮邊火驚以上為一篇世有

淮哇暇語一書謂子齊初應舉韓公嘗之為作
丹穴五色羽子齊姓程字昔範嘗若中暮三卷

見因話錄則下詩似當為別篇第前
詩題以岐山下此必遊鳳翔日作

誰謂我有耳不聞鳳皇鳴
竭來岐山下日暮邊鴻

一作火

驚

丹穴五色羽其名為鳳皇
昔周有盛德此鳥鳴高岡
和聲隨祥風宵窕相飄揚
聞者亦何事但知時俗康
自從公旦死千載閔其光
吾君亦勤理遲爾一來翔

御定全唐詩卷三百三十六

欽定四庫全書

御定全唐詩卷三百三十七

韓愈

北極贈李觀

北極有羈羽南溟有沈鱗川源浩浩隔影響兩無因風
雲一朝會變化成一身誰言道里遠感激疾如神我年
二十五求友昧其人哀歌西京市乃與夫子親一作尚
苟同趨賢愚豈異倫方為金石姿萬世無緇磷無為兒

女態憔悴悲賤貧

此日足可惜贈張籍

愈時在徐籍住謁之
辭去作是詩以送

此日足可惜此酒不足一作不可嘗捨酒去相語共分一日

光念昔未知子孟君自南方自矜有所得言子有文章

我名屬相府

時佐董
晉幕府

欲往不得行思之不可見百端在

中腸維時月魄死冬日朝在房驅馳公事退聞子適及

城命車載之至引坐於中堂開懷聽其說往往副所望

孔丘歿已遠仁義路久荒紛紛百家起詭怪相披猖長

老守所聞後生習為常少知誠難得純粹古已亡譬彼
植園木有根易為長留之不遣去館置城西旁歲時未
云幾浩浩觀湖江衆夫指之笑謂我知不明兒童畏雷

電魚鼈驚夜光州家舉進士選試繆所當

汴州舉進士
愈為考官試

反舌無聲
詩籍中等

馳辭對我策章句何焯煌相公朝服立工席

歌鹿鳴禮終樂亦闕相拜送於庭之子去須臾赫赫流
盛名竊喜復竊歎諒知有所成人事安可恒奄忽令我

傷聞子高第日正從相公喪

貞元十五年高郢知舉籍
登第是歲三月晉卒愈護

其喪

哀情逢吉語，惆悵難為雙。暮宿偃師西，徒展轉在

牀

諸本作展轉在空牀

夜聞汴州亂，遠僻行徬徨。我時留妻子，倉

卒不及將相見，不復期零落。甘所丁驕兒，未絕乳念之

不能忘。忽如在我所，耳若聞啼聲。中途安得返，一日不

可更。俄有東來說，我家免罹殃。乘船下汴水，東去趨彭

城。從喪朝至洛，還走不及停。假道經盟津，出入行澗岡

日西入軍門，羸馬顛且僵。主人願少留，延入陳壺觴。

時李

元為河陽節度主人謂元也

卑賤不敢辭，忽忽心如狂。飲食豈知味

絲竹徒轟轟平明脫身去決若驚鳧翔黃昏次汜水欲

過無舟航號呼久乃至夜濟十里黃外黃縣有黃溝中流上灘

一作沙渾沙水不可詳驚波暗合昏星宿爭翻芒轅馬躡

躡鳴左右泣僕童甲午憇時門臨泉窺鬪龍東南出陳

許陂澤平一作何茫茫道邊草木花紅紫相低昂百里不

逢人角角雄雉鳴行行二月暮乃及徐南疆下馬步堤

岸上船拜吾兄愈有三兄皆早世見於集中者雲卿之子俞紳卿之子友皆愈從兄或曰吾兄

謂張籍非也誰云經艱難百口無夭殤僕射南陽公張建封宅

我睢水陽

二月愈至徐徐泗濼節度使張建封以愈為節度推官

篋中有餘衣盜

中有餘糧閉門讀書史窗戶忽已涼日念子來遊子豈
知我情別離未為久辛苦多所經對食每不飽共言無
倦聽連延三十日晨坐達五更我友二三子宦遊在西
京東野窺禹穴李翱觀濤江蕭條千萬里會合安可逢
淮之水舒舒楚山直叢叢子又捨我去我懷焉所窮男
兒不再壯百歲如風狂高爵尚可求無為守一鄉

幽懷

幽懷不能寫行此春江得適與佳節會士女競光陰凝
妝耀洲渚繁吹蕩人心間關林中鳥亦知和為音豈無
一尊酒自酌還自吟但悲時易失四序迭相侵我歌君
子行視古猶視今

君子法天運

君子法天運四時可前知小人惟所遇寒暑不可期利
害有常勢取捨無定姿焉能使我心皎皎遠憂疑

落葉送陳羽

落葉不更息，斷蓬無復歸。
飄飄終自異，邂逅暫相依。
悄悄深夜語，悠悠寒月輝。
誰云少年別，流淚各沾衣。

歸彭城

貞元十五年冬，愈為徐州從事，朝正京師，此曰歸彭城。蓋明年自京師歸徐也。

天下兵又動

貞元十五年秋，起諸道兵討吳少誠。

太平竟何時，訐謨者誰

子無乃失所，宜前年關中旱，閭井多死飢。

貞元十四年冬，京師饑。

去歲東郡水

貞元十五年秋，鄭滑大水。

生民為流屍，上天不虛應。禍

福各有隨，我欲進短策，無由至彤墀。剝肝以為紙，瀝血

以書辭。上言陳堯舜，下言引龍夔。言詞多感激，文字少

歲筵一讀已自怪再尋良自疑食片雖云美獻御固已癡
封在骨髓耿耿空自竒昨者到京城屢陪高車馳周行多俊
異議論無瑕疵見待頗異禮未能去毛皮到口不敢吐徐徐俟
其獻歸來戎馬間驚顧似羈雌連日或不語終朝見相
欺乘閒輒騎馬茫茫詣空陂遇酒即酩酊君知我為誰

醉後

煌煌東方星奈此衆客醉初喧或忿爭中靜雜嘲戲淋
漓身上衣顛倒筆下字人生如此少酒賤且勤置

醉贈張秘書

人皆勸我酒我若耳不聞今日到君家呼酒持勸君為
此座上客及余各能文君詩多態度藹藹春空雲東野動
驚俗天葩吐竒芬張籍學古淡軒鶴避雞羣阿買不識
字頗知書八分詩成使之寫亦足張吾軍所以欲得酒
為文俟其醺酒味既冷冽酒氣又氛氲性情漸浩浩諧
笑方云云此誠得酒意餘外徒續紛長安衆富兒盤饌
羅蘊葷不解文字飲惟能醉紅裙雖得一餉樂有如聚

飛蚊今我及數子固無猶與薰險語破鬼膽高詞婉皇
墳至寶不雕琢神功謝鋤耘方今向太平元凱承華勲
吾徒幸無事庶以窮朝暉

同冠峽

貞元十九年
貶陽山後作

南方二月半春物亦已少維舟山水間晨坐聽百鳥宿
雲尚含姿朝日忽升曉羈旅感和鳴囚拘念輕矯潺湲
淚久迸詰曲思增繞行矣且無然蓋棺事乃了

送惠師

愈在連州與釋景常元
惠遊惠師即元惠也

惠師浮屠者乃是不羈人十五愛山水超然謝朋親脫
冠翦頭髮飛步遺蹤塵發跡入四明梯空上秋旻遂登
天台望衆壑皆嶙峋夜宿最高頂舉頭看星辰光芒相
照燭南北爭羅陳茲地絕翔走自然嚴且神微風吹木
石澎湃聞韶鈞夜半起下視溟波銜日輪魚龍驚踊躍
叫嘯成悲辛怪氣或紫赤鼓磨共輪困金鷄既騰翥六
合俄清新常開禹穴竒東去窺甌閩越俗不好古流傳
失其真幽蹤邈難得聖路舜禹南
巡之路嗟長堙回臨浙江濤

屹起高峨岷壯志死不息千年如隔晨是非竟何有棄
去非吾倫凌江詣廬嶽浩蕩極遊巡崔峯沒雲表陂陀
浸湖淪是時雨初霽懸瀑垂天紳前年往羅浮步屐南
海澹大哉陽德盛榮茂恒留春鵬騫墮長翮鯨戲側脩
鱗自來連州寺曾未造城闔日攜青雲客探勝窮崖濱
太守邀不去羣官請徒頻囊無一金資翻謂富者貧昨
日忽不見我令訪其隣奔波自追及把手問所因顧我
却興歎君寧異於民離合自古然辭別安足珍吾聞九

疑好夙志今欲伸斑竹啼舜婦清湘沈楚臣衡山與洞庭此固道所循尋崧方抵洛歷華遂之秦浮游靡定處偶往即通津吾言子當去子道非吾遵江魚不池活野鳥難籠馴吾非西方教憐子狂且醇吾嫉情遊者憐子愚且諄去矣各異趣何為浪霑巾

送靈師

佛法入中國爾來六百年齊民逃賦役高士著幽禪官吏不之制紛紛聽其然耕桑日失隸朝署時遺賢靈師

皇甫姓胤胄本蟬聯少小涉書史早能綴文篇中間不
得意失跡成延遷逸志不拘教軒騰斷牽攀圍碁鬪白
黑生死隨機權六博在一擲臬盧叱回旋戰詩誰與敵
浩汗橫戈鋌音延飲酒盡百觥嘲諧思逾鮮有時醉花月
高唱清且絲四座咸寂默杳如奏湘絃尋勝不憚險黔
江屢洄沿瞿塘五六月驚電讓歸船怒水忽中裂千尋
隋幽泉環回勢益急仰見團團天投身豈得計性命甘
徒捐浪沫感翻涌漂浮再生全同行二十人魂骨俱坑

填靈師不挂懷冒涉道轉延開忠二州牧詩賦時多傳
失職不把筆珠璣為君編強留費日月密席羅嬋娟昨
者至林邑使君數開筵逐客三四公盈懷贈蘭荃湖游
泛漭沆溪宴駐潺湲別語不許出行裾動遭牽隣州競
招請書札何翩翩十月下桂嶺乘寒恣窺綠落落王員
外王員外仲舒也墓志云
所為文章無世俗氣爭迎獲其先自從入賓館占
恠久能專吾徒頗攜被接宿窮歡妍聽說兩京事分明
皆眼前縱橫雜謠俗瑣屑咸羅穿材調真可惜朱丹在

磨研方將斂之道且欲冠其顛韶陽李太守高步凌雲

烟得客輒忘食開囊乞繒錢手持南曹叙

唐制吏部員外郎一人掌

判南曹謂王員外仲舒也時亦謫連州司戶

字重青瑤鑄古氣參彖繫高標

摧太玄維舟事干謁披讀頭風痊還如舊相識傾壺暢
幽悄以此復留滯歸驂幾時鞭

縣齋有懷

陽山縣齋作時貞元二十一年順宗新即位

少小尚奇偉平生足悲吒猶嫌子夏儒肯學樊遲稼書
業窺臯稷文章茂曹謝濯纓起江湖綴佩雜蘭麝悠悠

指長道去去策高駕誰為傾國媒自許連城價初隨計
吏貢屢入澤宮射雖免十上勞何能一戰霸人情忌殊
異世路多權詐蹉跎顏遂低摧折氣愈下治長信非罪
侯生或遭罵懷書出皇都銜淚渡清灞身將老寂寞志
欲死閒暇朝食不盈腸冬衣纔掩髀枯駕切軍書既頻召

戎馬乃連跨大梁從相公彭城赴僕射弓箭圍狐兔絲
竹羅酒彘兩府變荒涼三年就休假求官去東洛去或作來

或作去官來東洛此謂貞元十五年冬如京調官也犯雪過西華塵埃紫陌春

風雨靈臺夜名聲荷朋友援引之姻婭雖陪彤庭臣詎

縱青冥靛寒空聳危闕曉色曜脩架捐軀辰在丁

貞元十九

年十二月愈上天旱人飢疏被貶辰在丁上疏之日也

鍛翮時方措投荒誠職分

領邑幸寬赦湖波翻日車嶺石圻天罅毒霧恒薰晝炎

風每燒夏雷威固已加颺勢仍相借氣象杳難測聲音

吁可怕夷言聽未慣越俗循猶乍指摘兩憎嫌睚眦互

猜訝祇緣恩未報豈謂生足藉嗣皇新繼明率土日流

化惟思滌瑕垢長去事桑柘斲嵩開雲扃壓潁抗風榭

禾麥種滿地梨棗栽繞舍兒童稍長成雀鼠得驅嚇官
租日輸納村酒時邀迓閒愛老農愚歸弄小女姪如今
便可爾何用畢婚嫁

合江亭

諸本作題合江亭寄刺史鄒君亭在衡州負郭今之石鼓頭即其地也地形特

異巋然崛起於二水之間旁有朱陵洞唐人題刺散滿巖上愈自陽山量移江陵道衡山作

紅亭枕湘江蒸水會其左瞰臨眇空濶綠淨不可唾維

昔經營初邦君實王佐

此亭故相齊父暎所作

翦林遷神祠買地

費家貨梁棟宏可愛結構麗匪過伊人去軒騰茲宇遂

頽挫老郎來何暮高唱久乃和

宇文郎中炫又增其制

樹蘭盈九

晚栽竹逾萬个長綆汲滄浪幽蹊下坎坷波濤夜俯聽

雲樹朝對卧初如遺宦情終乃最郡課人生誠無幾事

往悲豈奈一作蕭條繇歲時契濶繼庸懦勝事誰復論

醜聲日已播中丞黜凶邪天子閔窮餓君侯至之初問

里自相賀前刺史元澄無政廉使楊公中丞秦黜之朝廷遂用郗君淹滯樂閒曠勤

苦勸慵惰為余掃塵階命樂醉衆座窮秋感平分新月

憐半破願書巖上石勿使泥塵浣

陪杜侍御遊湘西兩寺獨宿有題一首因獻楊

常侍

愈自陽山北還過潭作楊常侍憑也時觀察湖南

長沙千里平勝地猶在險況當江濶處斗起勢匪漸深
林高玲瓏青山上琬琰路窮臺殿闢佛事煥且儼剖竹
走泉源開廊架崖音巖屋音巖是時秋之殘暑氣尚未斂
羣行忘後先朋息棄拘檢客堂喜空涼華榻有清簟澗
蔬煮蒿芹水果剝菱芡音儉伊余夙所慕陪賞亦云忝幸
逢車馬歸獨宿門不掩山樓黑無月漁火燦星點夜風

一何喧杉檜屢磨颯猶疑在波濤怵惕夢成魘靜思屈
原沈遠憶賈誼貶椒蘭爭妬忌絳灌共讒諂誰令悲生
腸坐使淚盈臉翻飛之羽翼指摘困瑕玷珥音貂藩維
重政化類分陝禮賢道何優奉已事苦儉大厦棟方隆
巨川楫行剡經營誠少暇遊宴固已歎旅程愧淹留徂
歲嗟荏苒平生每多感柔翰遇頻染展轉嶺猿鳴曙燈
青睎睎

岳陽樓別竇司直

竇庠時以武昌幕權岳州愈
移江陵法曹道出岳陽樓作

洞庭九州間厥大誰與讓南匪羣崖水北注何奔放瀾
為七百里吞納各殊狀自古澄不清環混無歸向炎風

日搜攬幽怪多冗長

去聲

軒然大波起宇宙隘而妨

音訪巍

我拔嵩華騰蹕較健壯聲音一何宏轟軻

音渴

車萬兩猶

疑帝軒轅張樂就空曠蛟螭露筍簾縞練吹組帳鬼神

非人世節奏頗跌踣陽施見誇麗陰閉感悽愴朝過宜

春口極北缺隄障夜纜巴陵洲叢芮纔可傍星河盡涵

泳俯仰迷下上餘瀾怒不已喧聒鳴甕盎明登岳陽樓

輝煥朝日亮飛廉戢其威清晏息纖纒泓澄湛凝綠物
影巧相况江豚時出戲驚波忽蕩漾時當冬之孟隙竅
縮寒漲前臨指近岸側坐眇難望滌濯神魂醒幽懷舒
以暢主人孩童舊握手乍忻悵憐我竄逐歸相見得無
恙開筵交履舄爛漫倒家釀枯行無留停高柱送清唱
中盤進橙栗投擲傾脯醬歡窮悲心生婉孌不能忘音望
念昔始讀書志欲干霸王屠龍破千金為藝亦云亢愛
才不擇行觸事得讒謗前年出官由一作此禍最無妄

公卿採虛名擢拜識天仗姦猜畏彈射斥逐恣欺誑新
恩移府庭逼側厠諸將于嗟苦鴛緩但懼失宜當追思
南渡時魚腹甘所葬嚴程迫風帆劈箭入高浪顛沈在
須臾忠鯁誰復諒生還真可喜尅已自懲創庶從今日
後粗識得與喪事多改前好趣有獲新尚誓耕十畝田
不取萬乘相細君知蠶織稚子已能餉行當掛其冠生
死君一訪

送文暢師北遊

昔在四門館晨有僧來謁自言本吳人少小學城闕已
窮佛根源粗識事輓軌攀拘屈吾真戒轄思遠發薦紳
秉筆徒聲譽耀前閎從求送行詩屢造忍顛蹶今成十
餘卷浩汗羅斧鉞先生闕窮巷未得窺剗剗又聞識大
道何路補剗剗出其囊中文滿聽實清越謂僧當少安
草序頗排訐上論古之初所以施賞罰下開迷惑胸宰
啖音豁音剗株檠音僧時不聽瑩若飲水救喝風塵一出門
時日多如髮三年竄荒嶺守縣坐深樾徵租聚異物詭

製怛巾襪幽窮誰共

一作共誰

語思想甚含噦

於月切

昨來得

京官照辟喜見蝎况逢舊親識無不比鸛屢長安多門

戶弔慶少休歇而能勤來過重惠安可揭當今聖政初

恩澤完

玼許出切

玼

許月切

胡為不自暇飄戾逐鷓鴣僕射

領北門威德壓胡羯

謂田季安為魏博節度使

相公鎮幽都竹帛爛

勲伐

謂劉濟為幽州節度使

酒場舞閨姝獵騎圍邊月開張篋中

寶自可得津筏從茲富裘馬寧復茹藜蕨余期報恩後

謝病老耕垆

代音

庇身指蓬茅逞志縱獫狁僧還相訪來

山藥煮可掘

答張徹

愈為四門博士時作張徹愈門下士又愈之從子塔

辱贈不知報我歌爾其聆首叙始識面次言後分形道

途繇萬里日月垂十齡後郊避兵亂一作難睢岸連門停

諸本作庭閣本作俤俤猶居也

肝膽一古劍波濤兩浮萍漬墨竄舊史

磨丹注前經義苑手秘寶文堂耳驚霆暄晨躡露寫暑

夕眠風櫺結友子讓抗晉陽秋陸抗羊祜推僑札之好請師我慚丁氏左

尹公學射於庾公差差學於公孫丁

初味猶噉蔗遂通斯建瓴搜竒日有

富嗜善心無寧石梁平健健音提沙水光泠泠乘枯摘野

豔沈細抽潛腥遊寺去陟巖尋徑返一作反穿汀綠雲竹

竦竦失路麻冥冥滄滄忽翻野平蕪眇開溟防泄壑夜

塞懼衝城晝局及去事戎轡相逢宴軍伶觥秋縱兀兀

獵旦馳駟駟從賦始分手朝京忽同舲愈以徐州從事朝正京師與敵

同行急時促暗權戀月留虛亭畢事驅傳馬安居守窗螢

梅花灞水別宮一作官燭驪山醒省選逮投足鄉賓尚推

翎塵祛又一摻所減切淚皆音清還雙熒洛邑得休告華山

窮絕陁倚巖，睨海浪引袖，拂天星日駕。此迴轆金神所

司刑泉紳拖，修白石劔攢，高青磴。蘇達也滑拳踖梯颺颺

伶俜悔狂已，咋指垂誠仍。鐫銘沈顏遺李肇書謂退之託此以悲世人登高而

不知止且示戒焉我豸忝備列，伏蒲愧分涇。微誠慕橫草，瑣力

摧撞筵。疊雪走商嶺，飛波航洞庭。下險疑墮井，守官類

拘囚。荒餐茹獠蠱，幽夢感湘靈。刺史肅著蔡，吏人沸蝗

螟。點綴簿上字，趨蹌閣前鈴。賴其飽山水，得以娛瞻聽。

紫樹雕斐奩，碧沅滴瓏玲。暎波鋪遠錦，插地列長屏。愁

狄酸骨死怪花醉魂馨潛苞絳實坼幽乳翠毛零赦行
五百里月變三十莫漸階羣振鷺入學誨螟蛉革甘謝
鳴鹿壘滿慚罄瓶同同抱瑚璉飛飛聯鶴鴿魚鬣欲脫
背虬光先照硯豈獨出醜類方當動朝廷勤來得晤語
勿憚宿寒廳

薦士

薦孟郊於
鄭餘慶也

周詩三百篇雅麗理

一作埋

訓誥曾經聖人手議論安敢

到五言出漢時蘇李首更號東都漸瀾漫派別百川導

建安能者七卓犖變風操逶迤抵晉宋氣象日凋耗中
間數鮑謝比近最清奧齊梁及陳隋衆作等蟬噪搜春
摘花卉訟襲傷剽盜國朝盛文章子昂始高蹈勃興得
李杜萬類困陵暴後來相繼生亦各臻閭奧有窮者孟
郊受材實雄鷲冥觀洞古今象外逐幽好橫空盤硬語
妥帖力排冪敷柔肆紆餘奮猛卷海濼榮華肖天秀捷
疾逾響報行身踐規矩甘辱恥媚竈孟軻分邪正眸子
看瞭眊杳然粹而清可以鎮浮躁酸寒溧陽尉五十幾

何耄孜孜營甘旨辛苦久所冒俗流知者誰指注競嘲

傲聖皇索遺逸髦士日登造廟堂有賢相

謂餘慶

愛遇均

覆燾况承歸與張

郊嘗為歸登張建封所知

二公迭嗟悼青冥送吹

噓強箭射魯縞胡為久無成使以歸期告霜風破佳菊

嘉節迫吹帽念將決焉去感物增戀嫪

盧到切

彼微水中

行尚煩左右芘魯侯國至小廟鼎猶納部幸當擇珉玉

寧有棄珪瑁悠悠我之思擾擾風中燾上言媿無路日

夜惟心禱鶴翎不天生變化在啄菹

鳥伏為菹

卵通波非難

圖尺地易可漕善善不汲汲後時徒悔懊救死具八珍
不如一簞犒微詩公勿謂愷悌神所勞

喜侯喜至贈張籍張徹

愈初謫陽山今元和改元自江陵掾召國子博

士其從遊如喜如籍如徹皆會都下詩以是作

昔我在南時數君常在念搖搖不可止諷詠日喁噉如
以膏濯衣每漬垢逾染又如心中疾鍼石非所砭常思
得遊處至死無倦厭地遐物竒怪水鏡涵石劒荒花窮
漫亂幽獸工騰閃礙目不忍窺忽忽坐昏墊逢神多所

祝豈忘靈即驗依依夢歸路歷歷想行店今者誠自幸
所懷無一欠孟生去雖索侯氏來還歎敬眠聽新詩屋
角月豔豔雜作承間騁交驚舌牙擔他念切吐舌貌續紛指瑕
疵拒捍阻城塹以余經摧挫固請發鈔繫居然妄推讓
見謂熱天燄比疎語徒妍悚息不敢占呼奴具盤餐飮
餽魚菜贍人生但如此朱紫安足僭

古風

安史之後方鎮相望於內地大者連州十餘小者不下三四兵驕則逐帥帥強則叛

上不廷不貢往往而是故托古風以寓意觀詩意當在德宗朝作

今日曷不樂幸時不用兵無曰既感矣乃尚可以生彼
州之賦去汝不顧此州之役去我奚適一邑之水可走
而違天下湯湯曷其而歸好我衣服甘我飲食無念百
年聊樂一日

駑驥

一作駑驥吟示歐陽詹詹與愈同第進士
愈以徐州從事朝正於京詹時為國子監

四門
助教

駑駘誠齷齪市者何其稠力小若一作苦易制價微良易
酬渴飲一斗水飢食一束芻嘶鳴當大路志氣若有餘

騏驥生絕域自矜無匹儔牽驅入市門行者不為留借

問價幾何黃金比嵩

一作崇

丘借問行幾何咫尺視九州

飢食玉山禾渴飲醴泉流問誰能為御曠世不可求惟

昔穆天子乘之極遐遊王良執其轡造父挾其鞞因言

天外事茫惚使人愁駑駘謂騏驥餓死余爾羞有能必

見用有德必見收孰云時與命通塞皆自由騏驥不敢

言低徊但垂頭人皆劣騏驥共以駑駘優喟余獨興歎

才命不同謀寄詩

一作言

同心子為我商

一作高

聲謳

馬馱穀

馬馱穀兮士不馱糠粃土被文繡兮士無短一作褐彼

其得志兮不我虞一朝失志兮其何如已焉哉嗟嗟乎

鄙夫

出門

長安百萬家出門無所之豈敢尚幽獨與世實參差古

人雖已死書上有其一作遺一作辭開卷讀且想千載若相期

出門各有道我道方未夷且於此中息天命一作誠不吾欺

嗟哉董生行

淮水出桐栢山東馳遙遙

一作悠悠

千里不能休淝水出其

側不能千里百里入淮流壽州屬縣有安豐唐貞元時

縣人董生召南隱居行義於其中刺史不能薦天子不

聞名聲爵祿不及門門外惟有吏日來徵租更索錢嗟

哉董生朝出耕

一作至

夜歸讀古人書盡日不得息或山

而

一作于

樵或水而

一作于

漁入厨具甘旨上堂問起居父

母不感感妻子不咨咨嗟哉董生孝且慈人不識惟有

天翁知生祥下瑞無時期家有狗乳出求食雞來哺其
兒啄啄庭中拾蟲蟻哺之不食鳴聲悲徬徨躑躅久不
去以翼來覆待狗歸嗟哉董生誰將與儔時之人夫妻
相虐兄弟為讐食君之祿而令父母愁亦獨何心嗟哉
董生無與儔

或作誰將與儔
或作誰與儔

烽火

登高望烽火誰謂塞塵飛王城富且樂曷不事光輝勿
言日已暮相見恐行稀願君熟念此秉燭夜中歸我歌

寧自感乃獨淚霑衣

汴州亂二首

德宗貞元十三年宣武節度使董晉辟愈為推官十五年晉薨公隨

晉喪歸既出四日宣武軍亂殺行軍司馬陸長源

汴州城門朝不開天狗墮地聲如雷健兒爭誇一作誘殺

留後連屋累棟燒成灰諸侯咫尺不能救孤士何者自

興哀

母從子走者為誰大夫夫人留後兒長源妻昨日乘車騎

大馬坐者起趨乘者下廟堂不肯用干戈嗚呼奈汝母

子何

利劍

利劍光耿耿佩之使我無邪心故人念我寡徒侶持用
贈我比知音我心如冰劍如雪不能刺讒夫使我心腐
劍鋒折決雲中斷開青天噫劍與我俱變化歸黃泉

齷齪

齷齪當世士所憂在飢寒但見賤者悲不聞貴者歎大
賢事業異遠抱非俗觀報國心皎潔念時涕汎瀾妖姬

坐左右柔指發哀彈酒肴雖日陳感激寧為歡秋陰欺
白日泥潦不少乾河堤決東郡老弱隨驚湍天意固有
屬誰能詰其端願辱太守薦得充諫諍官排雲叫閭闔
披腹呈琅玕致君豈無術自進誠獨難



御定全唐詩卷三百三十七

欽定四庫全書

集部

御定全唐詩卷三百

三十一
四十一

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣高

騰錄監生臣劉坤

欽定四庫全書

御定全唐詩卷三百三十八

韓愈

河之水二首寄子姪老成

老成愈兄介之子即所謂十二郎是也

河之水去悠悠我不如水東流我有孤姪在海陬

一作隅古

音隅將侯切亦與流通

三年不見兮使我生憂日復日夜復夜二

年不見汝使我鬢髮未老而先化

河之水悠悠去我不如水東注我有孤姪在海浦三年

不見兮使我心苦采蕨於山緝魚於淵我徂京師不遠
其還

山石

山石犖确行徑微黃昏到寺蝙蝠飛升堂坐階新雨足
芭蕉葉大支即拖字子肥僧言古壁佛畫好以火來照所

見稀鋪牀拂席置羹飯疎糲亦足飽我飢夜深靜卧百
蟲絕清月出嶺光入扉天明獨去無道路出入高下窮
煙霏山紅澗碧紛爛漫時見松樞皆十圍當流赤足躡

澗石水聲激激風吹衣人生如此自可樂豈必局束為人鞿音嗟哉吾黨二三子安得至老不更歸

天星送楊凝郎中賀正

凝以戶部郎中為宣武軍判官愈時與同佐董

晉幕

天星牢落雞喔咿僕夫起餐車載脂正當窮冬寒未已借問君子行安一作定何之會朝元正無不至受命上宰須及期待從近臣有虛位公今此去歸何時

汴泗交流贈張僕射

建封

汴泗交流郡城角築場十一作千

步平如削短垣三面繚

逶迤擊鼓騰騰樹赤旗新秋朝涼未見日公早結束來
何為分曹決勝約前定百馬攢蹄近相映毬韜杖奮合
日離紅牛纓紱黃金羈側身轉臂著馬腹霹靂應手神
珠馳超遙散漫兩閒暇揮霍紛紜爭變化發難得巧意
氣麤謹聲四合壯士呼此誠習戰非為劇豈若安坐行
良圖當今忠臣不可得公馬莫走須殺賊

忽忽

忽忽乎余未知生之為樂也願脫去而無因安得長翮
大翼如雲生我身乘風振奮出六合絕浮塵死生哀樂
兩相棄是非得失付閒人

鳴雁

嗷嗷鳴

鴻一作

雁鳴且飛窮秋南去春北歸去寒就暖識

所依

處一作

天長地濶棲息稀風霜酸苦稻梁微毛羽一作

羽摧落身不肥
裴回反顧羣侶違
哀鳴欲下洲渚非
江

南水濶朝

湖一作

雲多草長沙軟無網羅
閒飛靜集鳴相

和違憂懷惠性匪他凌風一舉君謂何

龍移

此詩謂南山湫也湫初在平地一日風雷移居山上其山下湫遂化為土長安人至

今謂之

乾湫

天昏地黑蛟龍移雷驚電激雄雌隨清泉百化為土
魚斃枯死吁可悲

雉帶箭

此愈佐張僕射於徐從獵而作也

原頭火燒靜兀兀野雉畏鷹出復

一作伏欲

沒將軍欲以巧

伏人盤馬彎弓惜不發地形漸窄觀者多雉驚弓滿勁

箭加衝人決起百餘尺紅翎白鏃相一作隨傾斜將軍仰
笑軍吏賀五色離披馬前墮

條山蒼

中條山在
黃河之西

條山蒼河水黃浪波

一作波浪

泆泆去松柏在山一作高

岡

贈鄭兵曹

尊酒相逢十載前君為壯夫我少年尊酒相逢十載後
我為壯夫君白首我材與世不相當戢鱗委翅無復望
當今賢俊皆周行君何為乎亦一作獨遑遑栝行到君莫

停手破除萬事無過酒

桃源圖

神僊有無何渺茫桃源之說誠荒唐流水盤迴山百轉
生綃數幅垂中堂武陵太守好事者題封遠寄南宮下
南宮先生忻得之波濤入筆驅文辭文工畫妙各臻極
畢境恍惚移於斯架巖鑿谷開宮室接屋連牆千萬日
羸顛劉蹶了不聞地坼天分非所恤種桃處處惟開花
川原近遠蒸一作紅霞初來猶自念鄉邑歲久此地還

成家漁舟之子來何所物色相猜更問語大蛇中斷喪
前王羣馬南渡開新主聽終辭絕共悽然自說經今六
百年當時萬事皆眼見不知幾許猶流傳爭持酒食來
相饋禮數不同樽俎異月明伴宿玉堂空骨冷魂清無
夢寐夜半金雞啁哳鳴火輪飛出客心驚人間有累不
可住依然離別難為情船開櫂進一迴顧萬里蒼蒼煙
水暮世俗寧知偽與真至今傳者武陵人

東方半

一作明末

東方半

一作未

明大星沒獨有太白配殘月嗟爾殘月勿

相疑同光共影須臾期殘月暉暉太白睽睽雞三號更

五點

贈唐衢

衢應進士久而不第能為歌詩見人文章有所傷歎者請託必哭每與人言論

既別發聲一號音辭哀切聞者莫不泣下故世稱唐衢善哭

虎有爪兮牛有角虎可搏兮牛可觸奈何君獨抱竒材
手把鋤犁餓空谷當今天子急賢良函函朝出開明光
胡不上書自薦達坐令四海如虞唐

貞女峽

在連州桂陽縣秦時有
女子化石在東岸穴中

江盤峽束春湍豪風雷

一作雷風

戰鬪魚龍逃懸流轟轟射

水府一瀉百里翻雲濤漂船擺石萬瓦裂咫尺性命輕

鴻毛

贈侯喜

愈貞元十七年七月二十二日與李景
興侯喜尉通汾同漁於洛有石刻在馬

詩必是
時作

吾黨侯生字叔迥

古起
字

呼我持竿釣溫水平明鞭馬出

都門盡日行行荆棘裏溫水微茫絕又流深如車轍濶

容輒蝦蟇跳過雀兒浴此縱有魚何足求我為侯生不
能已盤針擘粒投泥滓晡時堅坐到黃昏手倦目勞方
一起暫動還休未可期蝦行蛭音質渡似皆疑舉竿引線
忽有得一寸纔分鱗與鬚是日侯生與韓子良久歎息
相看悲我今行事盡如此此事正好為吾規半世遑遑
就舉選一名始得紅顏衰人間事勢豈不見徒自辛苦
終何為便當提攜妻與子南入箕頰無還時叔迨君今
氣方銳我言至切君勿嗤君欲釣魚須遠去大魚豈肯

居沮洳去聲

古意

太華峰頭玉井蓮，開花十丈藕如船。
冷比雪霜甘比蜜，一片入口沈痾痊。
我欲求之不憚遠，青壁無路難夤緣。
安得長梯上摘實，下種七澤根株連。

八月十五夜贈張功曹

張功曹署也，愈與署以貞元二十一年二月二

十四日，款自南方俱徙，據江陵至是，俟命於柳而作是詩。

纖雲四卷天無河，清風吹空月舒波。
沙平水息聲影絕

一栢相屬君當歌君歌聲酸辭且苦不能聽終淚如雨
洞庭連天九疑高蛟龍出没猩鼯號十生九死到官所
幽居默默如藏逃下牀畏蛇食畏藥海氣濕蟄熏腥臊
昨者州前槌大鼓嗣皇繼聖登夔臯赦書一日行萬里
罪從大辟皆除死遷者追迴流者還滌瑕蕩垢清朝班
州家申名使家抑坎軻祇得移荆蠻判司卑官不堪說
未免捶楚塵埃間同時輩流多上道天路幽險難追攀
君歌且休聽我歌我歌今與君殊科一年明月今宵多

人生由命非由他，有酒不飲奈明月。一作何

謁衡嶽廟遂宿嶽寺題門樓

五嶽祭秩皆

比一作

三公四方環鎮嵩，當中火維地荒足。

妖怪天假神柄專，其雄噴雲泄霧藏。半腹雖有絕頂誰

能窮我來正逢秋雨節，陰氣晦昧無清一作晴。風潛心默

禱，若有應豈非正直能感通。須臾靜掃衆峰出，仰見突

兀撐青

一作晴

空紫蓋連延接天柱，石廩騰擲堆祝融。

衡山

有五峯紫蓋天柱石廩祝融芙蓉

森然魄動下馬拜，松柏一逕移靈宮。

粉牆丹柱動光彩鬼物圖畫填青紅升塔偃僂薦脯酒
欲以菲薄明其衷廟令老人識神意睚眦頃尙能鞠躬
手持枯筴導我擲云此最吉餘難同竄逐蠻荒幸不死
衣食纔足甘長終侯王將相望久絕神縱欲福難為功
夜投佛寺上高閣星月掩暎雲腫臃猿鳴鐘動不知曙
杲杲寒日生於東

岫嶠山

山海經衛山一名岫嶠山或以為衛
山南麓別峯之名岫音矩嶠音縶

岫嶠山尖神禹碑字青石赤形模竒科斗拳身薤倒一作葉

披鸞飄鳳泊拏虎螭事嚴跡秘鬼莫窺道人獨上偶見
之我來咨嗟涕漣而千搜萬索何處有森森綠樹猿猱

悲

永貞行

貞元二十一年德宗崩順宗立改元永貞章執誼王叔文等用事又謀奪中官

兵制天下之命是年八月皇太子即位帝自稱太上皇上殿執誼叔文等愈故作永貞行云

君不見太皇諒陰未出令小人乘時偷國柄北軍百萬

虎與豨天子自將非他師一朝奪印付私黨

是歲王叔文等以金

吾大將軍范希朝為左右神策諸行營節度使以韓泰為其行軍司馬叔文欲奪取宦官兵權以自固藉希朝

老將使主其名而實以
秦尊其事人情疑懼

懍懍朝士何能為狐鳴梟噪爭

署置賜

式作切

睽

式冉切

跳踉相嫵媚夜作詔書朝拜官超資

越序會無難公然白日受賄賂火齊磊落堆金盤元臣

故老不敢語晝卧涕泣何汎瀾

王叔文用事一日諸相會食叔文至中書欲與

韋執誼計事執誼起迎諸相停箸以待有傾報叔文索飯已與韋相同餐閣中矣杜佑高郢懼不敢言鄭珣瑜獨歎曰吾豈可復居此位索馬徑歸卧不起

董賢三公誰復惜侯景九錫行

可歎國家功高德且厚天位未許庸夫干嗣皇卓犖信

英主文如太宗武高祖膺圖受禪登明堂共流幽州鯨

死羽四門肅穆賢俊登數君匪親豈其朋郎宮清要為

世稱荒郡迫野嗟可矜

謂貶禮部員外郎柳宗元邠州司封郎中韓曄池州七田員外

郎劉禹錫連州各郡刺史也

湖波連天日相騰蠻俗生梗瘴癘蒸江

氛嶺稜昏若凝一蛇兩頭見未曾怪鳥鳴喚令人憎蠱
蟲羣飛夜撲燈雄虺毒螫隋股肱食中置藥肝心崩左
右使令詐難憑慎勿浪信常兢兢吾嘗同僚情可勝具
書目見非妄徵嗟爾既往宜為懲

洞庭湖阻風贈張十一署

時自陽山徙據江陵

十月陰氣盛北風無時休蒼茫洞庭岸與子維雙舟霧
雨晦爭泄波濤怒相投犬雞斷四聽糧絕誰與謀相去
不容步險如礙山丘清談可以飽夢想接無由男女喧
左右飢啼但啾啾非懷北歸興何用勝羈愁雲外有白
日寒光自悠悠能令暫開霽過是吾無求

李花贈張十一署

或作李
有花

江陵城西二月尾花不見桃惟見李風揉雨練雪羞比
波濤翻空杳無埃君知此處花何似白花倒燭天夜明

羣雞驚鳴官吏起金烏海底初飛來朱輝散射青霞開
迷魂亂眼看不得照耀萬樹絲如堆念昔少年著遊燕
對花豈省曾辭栢自從流落憂感集欲去未到先思迴
祇今四十已如此後日更老誰論哉力攜一尊獨一作共
就醉不忍虛擲委黃埃

杏花

居鄰北郭古寺空杏花兩株能白紅曲江滿園不可到
看此寧避雨與風二年流竄出嶺外所見草木多異同

冬寒不嚴地恒泄陽氣發亂無全功浮花浪藥鎮長有
纔開還落瘴霧中山榴躑躅少意思照耀黃紫徒為叢
鷓鴣鉤輊猿呌歇杳杳深谷攢青楓豈如此樹一來翫
若在京國情何窮今旦胡為忽惆悵萬片飄泊隨西東
明年更發應更好道人謂寺僧莫忘鄰家翁自謂

感春四首

我所思兮在何所情多地遐兮徧處處東西南北皆欲
往千江隔兮萬山阻春風吹園雜花開朝日照屋百鳥

語三杯取醉不復論一生長恨奈何許

皇天平分成四時春氣漫誕最可悲雜花妝林草蓋地
白日坐上傾天維蜂喧鳥咽留不得紅萼萬片從風吹
豈如秋霜雖慘冽摧落老物誰惜之為此徑須沽酒飲
自外天地棄不疑近憐李杜無檢束爛漫長醉多文辭
屈原離騷二十五不肯舖啜糟與醅惜哉此子巧言語
不到聖處寧非癡幸逢堯舜明四目條理品彙皆得宜
平明出門暮歸舍酌酹馬上知為誰

朝騎一馬出暝就一牀卧詩書漸欲拋節行久已情冠

敲感髮禿語誤驚

一作悲

齒墮孤負平生心已矣知如

一作如

何奈

一作那

我恨不如江頭人長綯橫江遮紫鱗獨宿荒陂射鳧雁
賣納租賦官不嗔歸來歡笑對妻子衣食自給寧羞貧
今者無端讀書史智慧祇足勞精神畫蛇著足無處用
兩鬢霜一作雪白趨埃塵乾愁漫解坐自累與衆異趣誰
相親數杯澆腸雖暫醉皎皎萬慮醒還新百年未滿不

得死且可勤買拋青春

酒名唐人名
酒多以春

寒食日出遊

自註張十一院長見示病中憶花
九篇寒食日出遊夜歸因以投贈

張十一郎功曹署外郎遺補相呼為院長愈
與署同自御史貶官又同為江陵掾愈法曹參

軍署功
曹參軍

李花初發君始病我往看君花轉盛走馬城西惆悵歸
不忍千株雪相映邇來又見桃與梨交開紅白如爭競
可憐物色阻攜手空展霜縑吟九詠紛紛落盡泥與塵
不共新妝比端正桐華最晚今已繇君不強起時難更

關山遠別固其理寸步難見始知命憶昔與君同貶官
夜渡洞庭看斗柄豈料生還得一處引袖拭淚悲且慶
各言生死兩追隨直置心親無貌敬念君又署南荒吏
路指鬼門幽且賈

張在江陵未幾邕管經
累使路恕署為判官

三公盡是知

音人曷不薦賢陛下聖囊空甑倒誰救之我今一食日
還併自然憂氣損天和安得康強保天性斷鶴兩翅鳴
何哀繫驥四足氣空橫今朝寒食行野外綠楊兩岸蒲
生一作芽迸宋玉庭邊不見人輕浪參差魚動鏡自嗟孤

賤足瑕疵特見放縱荷寬政飲酒寧嫌餞底深題詩尚
倚筆鋒勁明宵故欲相就醉有月莫愁當火令

憶昨行和張十一

憶昨夾鍾之呂初吹灰上公禮罷元侯迴

上公一作杜
公云杜佑自

淮南入朝也一作社公云此為判帥裴均罷社享家也
朱熹考異云左傳五行之官封為上公杜註用幣於社
云以請於上公則
上公即社神也

車載牲牢甕舛酒並召賓客延鄰枚

腰金首翠光照耀絲竹迴發清以哀青天白日花草麗
玉笋屢舉傾金壘張君名聲座所屬起舞先醉長松摧宿

醒未解舊疔作深室靜卧聞風雷自期殞命在春序屈

指數日憐嬰孩危辭苦語感我耳淚落不掄何漼漼念

昔從君渡湘水大帆夜劃窮高桅陽山鳥路出臨武愈責

連之陽山今張為柳之臨武柳在江南連則廣南也

驛馬拒地驅頻墮

一作槌控也

踐

蛇茹蠱不擇死忽有飛詔從天來伍文未掄崖州

韋執誼

熾雖得赦宥恒愁猜近者三姦悉破碎

元和元年正月順宗即位二月

大赦愈自陽山徙據江陵三姦方用事其年八月憲宗立任貶開州司馬叔文渝州司戶竝員外置十一月繼

貶執誼崖州司馬三姦始悉破碎焉

羽窟無底幽黃能眼中了了見鄉國

知有歸日眉方開
今君縱署天涯吏
投檄北去何難哉
無妄之憂勿樂喜
一善自足禳千災
頭輕目朗肌骨健
古劍新磨磨塵埃
殃消禍散百福併
從此直至耆與鮒
嵩山東頭伊洛岸
勝事不假須穿栽
君當先行我待滿
沮溺可繼窮年推

御定全唐詩卷三百三十八

欽定四庫全書

御定全唐詩卷三百三十九

韓愈

劉生詩

生名師命其姓劉自少軒輊非常儔棄家如遺來遠遊
東走梁宋暨揚州遂凌大江極東陬洪濤春天禹穴幽
越女一笑三年留南逾橫嶺入炎州青鯨高摩波山浮
怪魅炫曜堆蛟虬山穉謹課猩猩遊毒氣爍體黃膏流

問胡不歸良有由美酒傾水角肥牛妖歌慢舞爛不收
倒心迴腸為青眸千金邀顧不可酬乃獨遇之盡綢繆
瞥然一餉成十秋昔鬚未生今白頭五管歷徧無賢侯
迴望萬里還家羞陽山窮邑惟猿猴手持釣竿遠相投
我為羅列陳前修芟蒿斬蓬利鋤耰天星迴環數纒周
文學穰穰困倉稠車輕御良馬力優咄哉識路行勿休
往取將相酬恩讐

鄭羣贈簞

羣嘗以侍御史佐裴均江陵愈自陽山量移江陵法曹與羣同僚

蘄州笛

一作簞

竹天下知鄭君所寶尤瓌奇攜來當畫不

得卧一府傳看黃琉璃體堅色淨又藏節盡

一作滿

眼凝

滑無瑕疵法曹貧賤衆所易腰腹空大何能為自從五月困暑濕如坐深甑遭蒸炊手磨袖拂心語口慢膚多

汗真相宜日暮歸來獨惆悵有賣直欲傾家資誰謂故人知我意卷送八尺含風漪呼奴掃地鋪未了光彩照耀驚童兒青蠅側翅蚤蟲避肅肅疑有清飈吹倒身甘寢百疾愈却願天日恒炎曦明珠青玉不足報贈子相

好無時衰

豐陵行

順宗陵也在富平縣東北二十里

羽衛煌煌一百里曉出都門葬天子羣臣雜沓馳後先
宮官穰穰來不已是時新秋七月初金神按節炎氣除
清風飄飄輕雨灑偃蹇旗旆卷以舒逾梁下坂笳鼓咽
嶸嶸遂走玄宮閭哭聲訇天百鳥噪幽坎晝閉空靈輿
皇帝孝心深且遠資送禮備無贏餘設官置衛鎖嬪妓
供養朝夕象平居臣聞神道尚清淨三代舊制存諸書

墓藏廟祭不可亂欲言非職知何如

遊青龍寺贈崔大

羣一作

補闕

寺在京城南門之東

秋灰初吹季月管日出卯南暉景短友生招我佛寺行

正值萬株紅葉滿光華閃壁見神鬼赫赫炎官張火傘

然雲燒樹火

宋刻作大

實駢金烏下啄頰

音虵

虵卵魂翻眼倒

忘處所赤氣冲融無間斷有如流傳上古時九輪照燭

乾坤旱二三道士席其間靈液屢進玻黎盃忽驚顏色

變韶稚却信靈僊非怪誕桃源迷路竟茫茫棗下悲歌

徒慕慕前年嶺隅鄉思發躑躅成山開不算去歲羈帆
湘水明霜楓千里隨歸伴猿呼鼯嘯鷓鴣啼惻耳酸腸
難澣澣思君攜手安能得今者相從敢辭懶由來鈍駸
矮音寡參尋况是儒官飽閒散惟君與我同懷抱鋤去陵
谷置平坦年少得途未要忙時清諫疏尤宜罕何人有
酒身無事誰家多竹門可歛須知節候即風寒幸及亭
午猶妍暖南山逼冬轉清瘦刻畫圭角出崖竅當憂復
被冰雪埋汲汲來窺戒遲緩

贈崔立之評事

崔斯立字立之博陵人元和初為大理評事以言事黜官為藍

田承

崔侯文章苦捷敏高浪駕天輸不盡曾從關外來上都
隨身卷軸車連軫朝為百賦猶鬱怒暮作千詩轉迢緊
搖毫擲簡自不供頃刻青紅浮海蜃才豪氣猛易語言
徃徃蚊螭雜螻蚓知音自古稱難遇世俗乍見那妨哂
勿言法官未登朝猶勝赤尉長趨尹時命雖乖心轉壯
技能虛富家逾窘念昔塵埃兩相逢爭名齟齬持矛楯

子時專場誇背距余始張軍嚴鞫曉見鞫爾來但欲保

切

封疆莫學龐涓怯孫臏竄逐新歸厭聞鬧齒髮早衰嗟

可閔頻蒙怨句刺棄遺豈有閒官敢推引深藏篋笥時

一發戢戢已多如束筍可憐無益費精神有似黃金擲

虛牝當今聖人求侍從拔擢杞梓收楛筍東馬嚴徐已

奮飛枚臯即召窮且忍復聞王師西討蜀霜風冽冽摧

朝菌走章馳檄在得賢燕雀紛拏要鷹隼竊料二途必

處一豈比恒人長蠢蠢勸君韜養待徵招不用雕琢愁

肝腎牆根菊花好沽酒錢帛縱空衣可準暉暉簷日暖
且鮮搯搯井梧疎更殞高士例須憐麩藥丈夫終莫生
畦吟能來取醉任喧呼死後賢愚俱泯泯

送區弘南歸

區或作歐唐韻區治子之後漢王莽傳有中郎區博弘嘗從愈於

江陵愈召拜國子博士又從至京時歸以詩送之

穆昔南征軍不歸蟲沙猿鶴伏以飛洶洶洞庭莽翠微
九疑鏡天荒是非野有象犀水貝璣分散百寶人士稀
我遷於南日周圍來見者衆莫依倚爰有區子熒熒暉

觀以彞訓或從違我念前人譬葑菲落以斧引以繆徽
雖有不逮驅駢駢或採於薄漁於磯服役不辱言不譏
從我荊州來京畿離其母妻絕因依嗟我道不能自肥
子雖勤苦終何希王都觀闕雙巍巍騰蹋衆駿事鞍韉
佩服上色紫與緋獨子之節可嗟唏母附書至妻寄衣
開書折衣淚痕晞雖不救還情庶幾朝暮盤羞惻庭闈
幽房無人感伊威人生此難餘可祈子去矣時若發機
蜃沈海底氣昇霏彩雉野伏朝扇暈處子窈窕王所妃

苟有令德隱不腓况今天子鋪德威蔽能者誅薦受襪
出送撫背我涕揮行行正直慎脂韋業成志樹來頎頎
我當為子言天扉

三星行

三星斗牛箕也愈自憫其生多訾毀如
此蘇軾云吾生時與退之相似吾命在

牛斗間其身宮亦在箕斗牛宮為
磨蝎吾平生多得謗譽殆同病也

我生之辰月宿南斗牛奮其角箕張其口牛不見服箱
斗不挹酒漿箕獨有神靈無時停簸揚無善名已聞無
惡聲已謹名聲相乘除得少失有餘三星各在天什伍

東西陳嗟汝牛與斗汝獨不能神

剝啄行

剝剝啄啄有客至門我不出應客去而嗔從者語我子
胡為然我不厭客困於語言欲不出納以堙其源空堂

幽幽有桔有莞

桔莞所以為席

門以兩板叢書於間窅窅深塹

其墉甚完彼寧可隳此不可干從者語我嗟子誠難子

雖云爾其口益蕃我為子謀有萬其全凡今之人急名

與官子不引去與為波瀾雖不開口雖不開關變化咀

嚼有鬼有神今去不勇其如後艱我謝再拜汝無復云
往追不及來不有年

青青水中蒲三首

青青水中蒲下有一雙魚君今上隴去我在與誰居
青青水中蒲長在水中居寄語浮萍草相隨我不如
青青水中蒲葉短不出水婦人不下堂行子在萬里

孟東野夫子 并序

東野連產三子不數日輒失之幾老念無後以悲

其友人昌黎韓愈懼其傷也推天假其命以喻之
夫子將何尤吾將上尤天女實主下人與奪一何偏彼
於女何有乃令蕃且延此獨何罪辜生死旬日間上呼
無時聞滴地淚到泉地祇為之悲瑟縮久不安乃呼大
靈龜騎雲欸天門問天主下人薄厚胡不均天曰天地
人由來不相關吾懸日與月吾繫星與辰日月相噬齧
星辰踣音而顛吾不女之罪知非女由因一作緣且物各
有分孰能使之然有子與無子禍福未可原魚子滿母

腹

一作肚

一一欲誰憐細腰不自乳舉族常孤鰥

一作懸

集啄母腦母死子始翻

一作蕃

蝮蛇生子時坼裂腸與肝

好子雖云好未還思與勤惡子不可說鴟梟蝮蛇然有

子且勿喜無子固勿歎上聖不待教賢聞語而遷下愚

聞語惑雖教無由悛大靈頓頭受即日以命還地祇謂

大靈女往告其人東野夜得夢有夫玄衣巾闔

音然入趁

其戶三稱天之言再拜謝玄夫收悲以歡忻

陸渾山火和皇甫湜用其韻

湜時為陸渾尉

皇甫補官古賁

音陸字本公羊傳

渾時當玄冬澤乾源山狂谷

很相吐吞風怒不休何軒軒擺磨出火以自燔有聲夜

中驚莫原天跳地蹕顛乾坤赫赫上照窮崖垠截然高

周燒四垣神焦鬼爛無逃門三光弛墮不復暎虎熊麋

豬逮猴猿水龍鼉龜魚與黿鴉鷗鷹雉鵠鷓燾魚燬

燒孰飛奔祝融告休酌卑尊錯陳齊玫瑰闕

一作闕

華園芙

蓉披猖塞鮮繁千鍾萬鼓咽耳喧攢雜啾嘯沸麓塤彤

幢絳旃紫燾襜炎官熱屬朱冠禪髻其肉皮通胫脣頰

胸堙腹車掖轅緹顏靺股豹兩鞅音堅霞車虹鞞日轂輻

丹甃縹蓋緋繡帑紅帷赤幕羅脈膳益音荒池波風肉

陵屯谿一作谿呀鉅壑頗黎盆豆登五山瀛四尊熙熙醕

醕笑語言雷公擘山海水翻齒牙嚼齧舌腭反電光礮

先念礮徒念切頰目暖音暄火頊冥收威避玄根斥棄輿

馬背厥孫縮身潛喘拳肩跟君臣相憐加愛恩命黑螭

偵音焚焚其元天闕一作關悠悠不可援夢通上帝血面論

側身欲進叱於闔帝賜九河湔涕痕又詔巫陽反其魂

徐命之前問何冤火行於冬古所存我如禁之絕其殮
女丁婦壬傳世婚一朝結讐奈後昆時行當反慎藏蹲
視桃著花可小騫月及申酉利復怨助汝五龍從九鯤
溺厥邑囚之崑崙皇甫作詩止睡昏辭誇出真遂上焚
要余和增怪又煩雖欲悔舌不可捫

縣齋讀書

在陽山作

出宰山水縣讀書松桂林蕭條捐末事邂逅得初心哀
狄醒俗耳清泉潔塵襟詩成有共一作賦酒熟無孤斟

青竹時默釣白雲日幽尋南方本多毒北客恒懼侵謫
譴甘自守滯留愧難任投章類縞帶竹答逾兼金

新竹

筍添南塔竹日日成清悶縹節已儲一作除霜黃苞猶揜

翠出欄抽五六當戶羅三四高標陵秋嚴貞色奪春媚
稀生巧補林併出疑爭地縱橫乍依行爛漫忽無次風
枝未飄吹露粉先涵淚何人可攜翫清景空瞪視

晚菊

少年飲酒時踴躍見菊花今來不復飲每見恒咨嗟行
立摘滿手行行把歸家此時無與語棄置奈悲何

落齒

去年落一牙今年落一齒俄然落六七落勢殊未已餘
存一作皆動搖盡落應始止憶初落一時但念豁可恥
及至落二三始憂衰即死每一將落時懍懍恒在已
牙妨食物顛倒怯漱水終焉捨我落意與崩山比今來
落既熟見落空相似餘存二十餘次第知落矣儻常歲

落一自足支兩紀如其落併空與漸亦同指人言齒之
落壽命理難恃我言生有涯長短俱死爾人言齒之豁
左右驚諦視我言莊周云水一作木雁各有喜語訛默固
好嚼廢軟還美因歌遂成詩持用詫妻子

哭楊兵部擬陸欽州參

人皆一作生

期七十纔半豈蹉跎併一作數

出知己淚自然

白髮多晨興為誰慟還坐久滂沱論文

一作新墳與晤語一作

宿已矣可

一作復如何

苦寒

四時各平分一氣不可兼隆寒奪春序顛頊固不廉太

昊弛維綱

一作綱維

畏避但守謙遂令黃泉下萌芽天句尖

草木不復抽百味失苦甜凶飈攪宇宙銛刃甚割砭日

月雖云尊不能活烏蟾羲和送日出恇怯頻窺覘炎帝

持祝融呵噓不相炎而我當此時恩光何由沾肌膚生

鱗甲衣被如刀鎌氣寒鼻莫輟血凍指不拈濁醪沸入

喉口角如銜箝將持七箸食觸指如排籤侵爐不覺暖

熾炭屢已添探湯無所益何況續與縑虎豹僵穴中蛟

螭死幽潛熒惑喪纏次六龍冰脫髯芒碣

音宕

大包内生

類恐盡殲啾啾窗間雀不知已微纖舉頭仰天鳴所願

晷刻淹不如彈射死却得親魚燭鸞皇苟不存爾固不

在占其餘蠢動儔俱死誰思嫌伊我稱最靈不能女覆

苦悲哀激憤歎五藏難安恬中宵倚牆立淫淚何漸漸

天王哀無辜惠我下顧瞻褰旒去耳續調和進梅鹽賢

能日登御黜彼傲與儉生風吹死氣豁達如褰簾懸乳

零落墮晨光入前簷雪霜頓消釋土脉膏且黏豈徒蘭
蕙榮施及艾與蒹日萼行鑠鑠風條坐檐檐天乎苟其
能吾死意亦厭

和虞部盧四汀酬翰林錢七

薇

赤藤杖歌

元和四年

分司東都作

赤藤為杖世未窺臺郎始攜自滇池滇王掃宮避使者
跪進再拜語盟乙骨切咿繩橋挂過免傾墮性命造次蒙
扶持途經百國皆莫識君臣聚觀逐旌麾共傳滇神出

水獻赤龍拔鬚血淋漓又云羲和操火鞭暝到西極睡
所遺幾重包裹自題署不以珍怪誇荒夷歸來捧贈同
舍子浮光照手欲把疑空堂晝眠倚牖戶飛電著壁搜
蛟螭南宮清深禁闈密唱和有類吹塤箎妍辭麗句不
可繼見寄聊且慰分司

崔十六少府攝伊陽以詩及書見授因酬三十
韻

崔君初來時相識頗未慣但聞赤縣尉不比博士漫賃

屋得連牆往來忻莫問我時亦新居觸事苦難辨蔬殮
要同喫破襖請來綻謂言安堵後貸借更何患不知孤
遺多舉族仰薄宦有時未朝餐得米日已晏隔牆聞謹
呼衆口極鵝雁前計頓乖張居然見真贗嬌兒好眉眼
袴脚凍兩胛下晏切捧書隨諸兄累累兩角巾冬惟茹寒
糞秋始識瓜瓣問之不言飢飫若厭翦拳才名三十年
久合居給諫白頭趨走裏閉口絕謗訕府公舊同袍拔
擢宰山澗寄詩雜談俳有類說鵬鷄上言酒味酸冬衣

竟未擢

音患

下言人吏稀惟足彪與彪

音棧

又言致豬鹿此

語乃善幻三年國子師腸肚習藜苳况住洛之涯魴鱒

可罩汕

音汕 罾謂之汕 籠謂之罩 捕魚籠也

有效屠門嚼久嫌弋者篡謀

拙日焦拳活計似鋤剗

一作錐

男寒澀詩書妻瘦剩腰襟

普患切

為官不事職厥罪在欺謾

一作慢

行當自劾去漁釣

老葭亂

五患切

歲窮寒氣驕冰雪滑磴棧音問難屢通何

由覲清盼

送侯參謀赴河中幕

侯繼時從 王諤辟

憶昔初及第各以少年稱君頤始生鬚我齒清如冰爾
時心氣壯百事謂已能一別詎幾何忽如隔晨興我齒
豁可鄙君顏老可憎相逢風塵中相視迭嗟矜幸同學
省官末路再得朋東司絕教授遊晏以為恒秋漁蔭密
樹夜博然明燈雪逕抵樵叟風廊折談僧陸渾桃花間
有湯沸如烝三月崧少步躑躅紅千層洲沙厭晚坐嶺
壁窮晨升沈冥不計日為樂不可勝遷滿一已異乖離
坐難憑行行自結束人馬何躑騰感激生膽勇從軍豈

嘗曾汎汎司徒公

時王鏐檢校
徒為河南尹

司天子爪與肱提師十

萬餘四海欽風稜河北兵未進

時討王承宗吐突承
璀督師逗留不進

蔡

州帥新薨

吳少誠卒弟少
陽自稱留後

曷不請掃除活彼黎與丞鄙

夫誠怯弱受恩媿徒弘猶思脫儒冠棄死取先登又欲

面言事上書求詔徵侵官固非是妄作譴可懲惟當待

責免耕劓歸溝塍

音乘

今君得所附勢若脫鞴鷹檄筆無

與讓幕謀職其膺收績開史牒翰飛逐溟鵬男兒貴立

事流景不可乘歲老陰沴作雲頽雪翻崩別袖拂洛水

征車轉峻陵，勤酒不進勉。勉恨已仍送，君出門歸愁。
腸若牽繩默，坐念語笑癡。如遇寒蠅策馬誰，可適晤言。
誰為應席塵，惜不掃殘尊。對空凝信知，後會時日月屢。
環絙生期理，行役歡緒絕。難承寄書惟，在頻無怯簡與。
繒

東都遇春

少年氣真一作直狂，有意與春競。行逢二三月，九州花相
映。川原曉服鮮桃李，晨妝靚荒乘。不知疲醉死，豈辭病

飲噉惟所便文章倚豪橫爾來曾幾時白髮忽滿鏡舊

遊喜乖張新輩足嘲評音病心腸一變化羞見時節盛得

閒無所作貴欲辭視聽深居疑避仇默卧如當暝朝曠

入牖來鳥喚昏不醒為生鄙計算鹽米告屢一作屢告鑿坐

疲都忘起冠側懶復正幸蒙東都官獲離機與穽垂慵

遭傲僻漸染生弊性既去焉能追有來猶莫騁有船魏

王池河南志云洛水經尚善旌益二坊之北南溢為池深處至數頃水鳥翔泳荷芰翻覆為都城之勝貞

觀中以賜魏王秦故號魏王池往往縱孤泳水容與天色此處皆綠淨

岼樹共紛披渚牙相緯經

一作徑

懷歸苦不果即事取幽

迸貪求匪名利所得亦已迸悠悠度朝昏落落捐季孟

羣公一何賢上戴天子聖謀謨收禹績

一作跡

四面出雄

勁轉輸非不勤稽逋有軍令在庭百執事奉職各祇敬
我獨胡為哉坐與億兆慶譬如籠中鳥仰給活性命為
詩告友生負愧終究竟

感春五首

分司東都作

辛夷高花最先開青天露坐始此迴已呼孺人憂鳴瑟

更遣稚子傳清杯
選壯軍興不為用
坐狂朝論無由陪

如今到死得閒處
還有詩賦歌康哉

憲宗即位平夏平蜀平河東赫然中

興而愈年踰強仕投閒分司故有此言

洛陽東風幾時來
川波岸柳春全迴
宮門一鎖不復啓
雖有九陌無塵埃
策馬上橋朝日出
樓闕赤白正崔嵬
孤吟屢闕莫與和
寸恨至短誰能裁

春田可耕時已催
王師北討何當迴

時討成德王承宗

放車載

草農事濟戰馬苦飢
誰念哉蔡州納節
舊將死

時彰義節度吳

少誠

起居諫議聯翩來

裴度以河南府功曹召為起居舍人孟簡孔戣皆為諫議大夫

朝廷未省有遺策肯不垂意餅與壘

前隨杜尹兼拜表迴笑言溢口何歡哈孔丞戡別我適

臨汝風骨峭峻遺塵埃音容不接祇隔夜凶訃詎可相
尋來天公高居鬼神惡欲保性命誠難哉

辛夷花房忽全開將衰正盛須頻來清晨輝輝燭霞日
薄暮耿耿和煙埃朝明夕暗已足歎况乃滿地成摧頽
迎繁送謝別有意誰肯留戀少環迴

酬裴十六功曹巡府西驛塗中見寄

裴十六度也
監察御

史出為河南府功曹時
故相鄭餘慶為河南尹

相公罷論道聿至活東人
御史坐言事作吏府中塵
遂令河南治今古無儔倫
四海日富庶道途隘蹄輪
府西三百里候館同魚鱗
相公謂御史勞子去自巡
是時山水秋光景何鮮
新哀鴻鳴清耳宿霧騫
高旻遺我行旅詩軒軒有風
神譬如黃金盤照耀荆璞
真我來亦已幸事賢友其仁
持竿洛水側孤坐屢窮辰
多才自勞苦無

用祇因循辭免期匪遠行行及山春

燕河南府秀才得生字

吾皇紹祖烈天下再太平詔下諸郡國歲貢鄉曲英元
和五年冬房公式尹東京功曹上言公是月當登名乃
選二十縣試官得鴻生羣儒負已材相賀簡擇精怒起
簾羽翮引吭吐鏗轟此都自周公文章繼名聲自非絕
殊尤難使耳目驚今者遭震薄不能出聲名鄙夫忝縣
尹愧慄難為情惟求文章寫不敢妬與爭還家救妻兒

具此煎魚烹柿紅蒲萄紫肴果相扶檠一作芳茶
擊
諸本

茶出蜀門好酒濃且清何能充歡燕庶以露厥誠昨聞

詔書下一作權公作邦楨
權德輿與
文人得其職文道當

大行陰風攪短日冷雨澀不晴勉哉戒徒馭家國遲子

榮

送李翱翱娶愈兄奔之女與愈善楊於陵為廣州刺史表翱佐其府

廣州萬里途山重江逶迤行行何時到誰能定歸期揖

我出門去顏色異恒時雖云有追一作送足跡絕自茲

人生一世間不自張與施譬如浮江木縱橫豈自知寧
懷別時苦勿作別後思

送石洪處士赴河陽幕得起字

洪字濬川洛陽人元和五年烏

重喬為河陽節度使辟為參謀

長把種樹書人云避世士忽騎將軍馬自號報恩子風

雲入壯懷泉石別幽耳鉅鹿師欲老常山險猶恃

時冀鎮王

承宗反以軍討之無功遂報承宗

豈惟彼相憂固是吾徒恥去去事方

急酒行可以起

送湖南李正字歸

英華作送李礎判官歸湖南

長沙入楚深，洞庭值秋晚。
人隨鴻雁少，江共蒹葭遠。
歷余所經悠，悠子當返孤。
遊懷耿介，旅宿夢婉婉。
風土稍殊音，魚蝦日異飯。
親交俱在此，誰與同息偃。

御定全唐詩卷三百三十九